



Raport Muaji Prill 2025

Informacion bazë

Administrimi i Fondit	Shoqëria Raiffeisen Invest sh.a
Monedha	Euro
Datë Lancimi	22 Nentor 2012

Vlera fillestare e kuotës	100
Shuma fillestare minimale	250
Shuma minimale pasuese	50

Komisione dhe Tarifa

Tarifë në hyrje	0.00%
Tarifë në dalje	0.00%
Tarifë Administrimi në vit	Deri ne 1.30% e vleres neto te aseteve

Tarifa te tjera te vazhdueshme	Referojuni prospektit te fondit
--------------------------------	--

Komisione/tarifa të vazhdueshme	1.48% per vitin 2024
---------------------------------	-----------------------------

Kosto për transfertë fondesh nga palë të treta	Referojuni informacionit ne deget e RBAL
--	---

Objektivi i investimit dhe profili i investitorit

Objektivi i Fondit është të mund t'i sigurojë investitorit një kthim nga investimi në perputhje me një menaxhim të kujdesshëm të portofolit duke ruajtur nivelin e kapitalit dhe likuiditetit të nevojshëm.

Nje pjese e rendesishme e asetëve të fondit mund të investohen në bono dhe obligacione thesari të Qeverisë së Republikës së Shqipërisë, të emetuara në monedhën euro. Megjithatë, frekuenca e emetimeve në euro nga Qeveria e Republikës së Shqipërisë do të përcaktojë shkallën në të cilën Fondi do të investojë në këto lloje instrumentash.


Fondi është i përshtatshëm për individë dhe subjekte juridike të cilët mendojnë se objektivi i investimit i Fondit përputhet me kërkesat dhe pritshmeritë e tyre.

Shifra e tarifave të vazhdueshme 1.48% mbështetet në shpenzimet për vitin e mbyllur më 31.12.2024. Kjo shifër mund të ndryshojë nga viti në vit. Tarifa totale e vazhdueshme nuk mund të kalojë maksimumin prej 1.6% në vit të vlerës neto të asetëve të fondit.

Kostot e transaksioneve janë sipas kushteve të punës të palëvendërmjetësuese dhe nuk përfshihen në llogaritjen e komisioneve dhe tarifave të vazhdueshme, por ato i ngarkohen Fondit.

Profili i Riskut dhe Përfitimit

Risk i ulët	Risk i lartë
Përfitimet tipike më të ulëta	Përfitimet tipike më të larta



Fondi Raiffeisen Invest Euro është në kategorinë e tretë të Profilit të Riskut dhe Përfitimit

Treguesi i riskut dhe përfitimit korrespondon me një numër të plotë i cili përdoret për të renditur fondin në një nivel risku nga 1 në 7, sipas nivelit të rritjes të luhatshmërisë. Kategoria më e ulët nuk do të thotë që investimi në fond është pa risk.

Ky tregues ka për qëllim tju informoje mbi luhatshmërinë e çmimit të kuotës së fondit bazuar në historikun e performancës së fondit. Të dhënat historike të përdorura për llogaritjen e treguesit nuk mund të përbëjnë një siguri të plotë për profilin e riskut në të ardhmen.

Të dhëna për Fondin në 30 Prill 2025


Vlera Neto e Aseteve	€ 40,628,839
Numri I Investitoreve	1,707
Cmimi I Kuotes	116.3256
*Kthimi Vjetor nga Investimi (30.04.2024 – 30.04.2025)	4.49%

*Tarifa e administrimit dhe tarifat e tjera të vazhdueshme zbriten përpara llogaritjes së kthimit nga investimi.

Struktura e Portofolit të investimeve më 30 Prill 2025

Portofoli i fondit Euro është ndërtuar në një mënyrë të tillë që të përfitojë nga balancimi i kategorive të ndryshme të investimeve në bono dhe obligacioneve qeveritare dhe të korporatave. Kjo bëhet me qëllim për të diversifikuar portofolin dhe ulur riskun që vjen nga ekspozimi i gjere ndaj pak instrumenteve.

Përqindja e alokimit të asetëve bëhet në perputhje me politikën e investimit dhe kriteret të specifikuar në prospektin e fondit. Shpërndarja e asetëve mund të jetë jashtë objektivit të përcaktuar për shkak të ndryshimeve të kushteve të tregut. Asetet e Fondit janë të investuara në instrumente financiare që i përkasin emetuesve që performojnë në industri të ndryshme të ekonomisë duke bërë të mundur rritjen e diversifikimit të portofolit.



Duke iu referuar strukturës së portofolit të investimeve të fondit më 30 prill 2025, përqindja e asetëve të fondit e investuar në Obligacione Shtetërore është në 56.8% të asetëve dhe 39.2% i përkasin obligacioneve të emetuara nga Qeveria Shqiptare. Fondi mund të balancojë ekspozimin ndaj instrumenteve të ndryshme në varësi të kushteve të tregut për të arritur objektivat e tij afatgjatë. Asetet e fondit të investuara në obligacione korporatash me vlerësim të lartë dhe në fonde investimesh përbëjnë 50.8% të totalit të aktiveve. Keto fonde investimi gjithashtu kanë në fokus investime në tregun e obligacioneve. Likuiditeti i mbajtur në cash dhe depozita ka rënë në nivelin 4% e totalit të asetëve të fondit. Vlera neto e asetëve të fondit është në nivelin 40.63 milionë EUR në fund të muajit prill.

Performanca e fondit dhe ecuria e çmimit të kuotës gjatë muajit Prill


Gjatë muajit prill, çmimi i kuotës së fondit ka pësuar rritje me **0.58%**. Yield-et e obligacioneve ishin të paqëndrueshme në prill, pasi ranë ndjeshëm dhe më pas u rritën shpejt për shkak të shqetësimeve se obligacionet e SHBA-së nuk do të perceptoheshin me si investime të sigurta. Pauza 90-ditore qetësoi investorët dhe yield-et ranë sërish duke siguruar një ecuri të mirë për instrumentet me të ardhura fikse. Si rrjedhojë, performanca e obligacioneve qeveritare dhe atyre të korporatave pati një efekt pozitiv në portofolin e investimeve të fondit Raiffeisen Invest Euro, i cili regjistroi fitim përgjatë muajit. Yield-i mesatar i portofolit të investimeve të fondit ishte 3.43% për një kohëzgjatje mesatare prej 3.14 vjet më 30 prill. **Kthimi neto vjetor i fondit është +4.49% më 30 prill 2025.**

Ecuria e Çmimit të Kuotës Fondi Raiffeisen Invest Euro



Ne dt 30 Prill 2025	1 Vit	2 Vite	3 Vite	5 Vite	10 Vite	Nga lancimi (22 Nentor 2012)
Kthimi ne % p.a per periudhen	+4.49%	+4.11%	1.94%	0.68%	+0.73%	+1.22%

Kthimi Neto i fondit Raiffeisen Invest Euro per çdo vit



Duhet patur parasysh se norma e kthimit ndryshon ne varesi te kushteve te tregut dhe çmimi i kuotës mund të jetë i luhatshëm, pra nuk është statik apo gjithmonë në rritje, por edhe mund të bjerë si pasojë e ndryshimeve të kushteve në treg. Luhatshmëria është pjesë e natyrshme e fondeve te investimit dhe eliminimi total i saj është i pamundur.

Investitorët e fondit Raiffeisen Invest Euro dhe te gjithe fondeve te administruara nga Raiffeisen Invest keshillohen te kene nje horizont sa me te gjate investimi per te perfituar nje kthim optimal nga investimi dhe ne kete menyre ne periudhe afatmesme apo afatgjate te kene mundesi te rikuperojne edhe efektet negative te krijuara afatshkurter.

Investitorët inkurajohen që të ruajnë investimin e tyre duke mos ndryshuar objektivin e qendrimit në fond të nxitur nga situatat jo të zakonshme të krijuara perkohesisht në tregjet financiare, sepse në këto mënyra nuk do të riskojnë të dalin nga fondi në momentin e gabuar për investimin e tyre.

Zhvillimet dhe informacion mbi ecurinë e tregjeve financiare gjatë muajit Prill

Inflacioni i Eurozonës mbeti i pandryshuar në nivelin 2.2% në prill, ndryshe nga pritshmëritë për një ulje të normës. Ekonomistët prisnin që vlera të rezultonte në 2.1%, krahasuar me nivelin 2.2% të marsit, sepse inflacioni duket se po i afrohet objektivit prej 2% të Bankës Qendrore Evropiane. Inflacioni bazë, i cili përjashton çmimet më të paqëndrueshme të ushqimeve, energjisë, alkoolit dhe duhanit, u rrit në nivelin 2.7% nga niveli 2.4% i marsit.

Indeksi i çmimeve të konsumit në SHBA ra me 0.1% në mars, duke e vendosur normën e inflacionit 12-mujor në nivelin 2.4%, nga 2.8% në shkurt. Pa përfshirë ushqimin dhe energjinë, inflacioni bazë rezultoi në një normë vjetore prej 2.8%, duke u rritur me 0.1% për muajin. Kjo ishte norma më e ulët për inflacionin bazë që nga marsi 2021.

Ndërsa vendimi i BQE-së për të ulur normën e depozitave nga 2.5% në 2.25% ishte plotësisht i pritshëm, deklarata e politikës monetare tregoi qartë për lehtësimin e mëtejshëm të politikës në vijim. Deklarata shprehu një perspektivë të përkeqësuar për rritjen ekonomike për shkak të tensioneve tregtare në rritje. Nëse situata ngelet e pandryshuar, BQE beson se politika monetare do të duhet të jetë më akomoduese sesa pritej.

Më 2 prill, Presidenti Trump dha njoftimin mbi tarifën e tij "reciproke" të cilat ishin premtuar prej kohësh, duke përfshirë një taksë bazë prej 10% për importet nga të gjitha vendet, një tarifë 34% për mallrat kineze, një tarifë 25% për të gjitha importet e makinave dhe një tarifë 20% për mallrat e BE-së. Më 9 prill, presidenti njoftoi një pauzë 90-ditore për tarifën reciproke të nivelit më të lartë për të lejuar negociatën. Kina u përjashtua nga pauza dhe tensionet tregtare SHBA-Kinë mbetën të larta gjatë gjithë muajit. Megjithatë, presidenti Trump la të kuptohej se tarifën ndaj Kinës do të reduktohen ndjeshëm, por nuk do të eliminohej.

Yield-et e obligacioneve ishin të paqëndrueshme në prill. Yield-i i obligacionit 10-vjeçar të SHBA-së fillimisht ra ndjeshëm në nivelin 4% si përgjigje ndaj tarifave të 'Ditës së Çlirimit,' përpara se të rritej shpejt në gati 4.50% për shkak të shqetësimeve se obligacionet e SHBA-së nuk do të perceptoheshin me si investime të sigurta dhe rrezikut për dalje të qëndrueshme të kapitalit. Yield-et më të larta dhe shenjat e paqëndrueshmërisë së tregut rezultuan në periudhën 90-ditore të pauzës për të lejuar negociatat tregtare. Kjo qetësoi investitorët dhe yield-et ranë sërish duke siguruar një ecuri të mirë për instrumentet me të ardhura fikse.

Në planin ekonomik, leximi fillestar i PBB-së së tremujorit të parë të SHBA-së tregoi një rënie të papritur, duke shënuar nivelin më të ulët që nga tremujori i parë i 2022. Megjithatë, duhet theksuar se ulja u nxit nga rritja e importeve përpara vendosjes së tarifave, si dhe nga rënia e shpenzimeve qeveritare.

Të dhënat e kthimit nga investimi në të shkuarën janë vetëm ilustrative dhe nuk përfaqësojnë një premtim apo garanci për kthimin në të ardhmen. Të gjithë shembujt e tjerë numerikë janë përdorur për qëllime ilustrative dhe analizë të të dhënave historike, dhe nuk duhen përdorur nga investitorët për të nxjerrë konkluzione për të ardhmen. Investitorët e mundshëm duhet të lexojnë Prospektin dhe Rregullat e Fondit. Raiffeisen Invest dhe forca shitëse e fondit nuk garantojnë një kthim të caktuar të fondit. Informacioni mbi çmimin e përditësuar të kuotës, prospektin dhe rregullat e Fondit gjendet pranë zyrave të Raiffeisen Invest sh.a., në faqen zyrtare www.raiffeisen-invest.al ose në degët e Raiffeisen Bank në Shqipëri.